

Na osnovu člana 20. stav 1. tačka 4) Statuta Fonda za zaštitu okoliša Federacije BiH ("Službene novine FBiH", broj: 33/06 i 1/15), u vezi sa Zaključkom Vlade FBiH V. broj 1722/22 od 24.11.2022. godine i tačkom 7., poglavlje „Obrada prijava“ stav 3. Odluke o usvajanju Programa utroška sredstava „Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socio-ekonomskog uticaja energetske krize“ utvrđen budžetom Federacije BiH za 2023. godinu Federalnom ministarstvu prostornog uređenja (Službene novine FBiH br. 66/23) i Odluke Upravnog odbora Fonda broj: UO-01-3-9-9-6/2024 od 25.07.2024. godine, a na osnovu provedenog Javnog poziva za dodjelu sredstava iz budžetske podrške EU za provođenje mjera energetske efikasnosti u stambenim objektima za 2024. godinu – JP BPEU SS 2024-1 („Službene novine Federacije BiH - Oglasni dio“ broj: 60/24 od 02.08.2024. godine, dnevni listovi „Dnevni avaz“ i „Večernji list“, kao i na službenoj stranici Fonda: [www.fzofbih.org.ba](http://www.fzofbih.org.ba)), direktor Fonda za zaštitu okoliša Federacije BiH d o n o s i:

## **ODLUKU**

### **I.**

Odbija se prigovor podnosioca prijave, Sead Šišić, Raduša 300, 74260 Tešanj, kao neosnovan.

### **II.**

Ova Odluka je konačna i stupa na snagu danom donošenja.

## **Obrazloženje**

Odlukom Direktora Fonda za zaštitu okoliša Federacije BiH (u daljem tekstu Fond) o dodjeli sredstava 01-09-12-385/2024 od 16.09.2024. godine, utvrđeno je da prijava br. 4843 od 16.08.2024. godine pod brojem protokola U-07-5280/2024, podnosilac prijave Sead Šišić, Raduša 300, 74260 Tešanj, nije zadovoljila tražene uslove konkursa.

Protiv donesene Odluke podnosilac prijave je blagovremeno izjavio prigovor.

Radi razmatranja prigovora, direktor Fonda je imenovao Komisiju koja je dužna da izvrši ocjenu osnovanosti blagovremeno izjavljenih prigovora u smislu ispunjenosti uslova prijave.

Na osnovu Izvještaja Komisije broj 06-1-157/2024 od 24.09.2024.godine, utvrđeno je da je prigovor neosnovan.

Uvidom u dostavljeno, Komisija je utvrdila da je uvjetima Javnog poziva u poglavlju 2 - obaveznoj dokumentaciji u tački 6. jasno definisano dostavljanje tri posljednja računa za električnu energiju kao dokaz o stalnom boravku na adresi objekta koji je predmet prijave. Istom tačkom je propisano da adresa mjernog mjesta na računu mora odgovarati adresi objekta koji je predmet prijave te da se dostavlja originali ili kopija cijelog računa. Uvidom u prijavu, Komisija za prigovore je potvrdila navode iz Odluke te

utvrdila da računi za električnu energiju nisu dostavljeni u traženoj formi, nego je dostavljen odrezak računa u kojem stoji adresa na koju se dostavljaju računi, dok drugi dio u kojem je naznačena adresa mjernog mjesta i gdje je navedena potrošnja u kWh nije dostavljen.

Shodno navedenom, a obzirom da prijava ne ispunjava uvjete za dodjelu sredstava budžetske podrške, odlučeno je kao u dispozitivu Odluke.

  
  
Slađan Bevanđa, direktor

Broj: 01-09-12-5962 /2024

Sarajevo, 10.10.2024

Dostaviti:

- Podnosiocu Prigovora
- Sektoru za Energetsku efikasnost
- Sektoru za pravne poslove
- a/a